

## **2014-15EKO EPEAN DEITUTAKO KATEGORIETAKO 2018KO KONTRATAZIO-ZERRENDETAN IZENA EMATEKO JARRAIBIDE OROKORRAK**

### **2018KO KONTRATAZIO-ZERRENDAK KATEGORIA HAUETARAKO ZABALTZEN DIRA:**

Orain zabaltzen diren kontratazio-zerrendak **2014-15eko Enplegu Publikorako Eskaintzan deitutakoak** dira:

FAMILIAKO MEDIKU FAK. ESP.- LMAT  
PEDIATRIAKO MEDIKU FAK. ESP.- LMAT  
ERIZAINA  
FISIOTERAPEUTA  
EMAGINA  
LABORATEGIKO TEKNIKARI ESPEZIALISTA  
ERIZAINZAKO LAGUNTZAILEA  
ADMINISTRARI LAGUNTZAILEA  
ZELADOREA

### **LEHENTASUNAREN ARABERA IZENA EMAN DEZAKETEN PERTSONAK**

**2014-15eko Enplegu Publikorako Eskaintzan** deitutako kategoriei dagozkien 2018ko kontratazio-zerrendetan **interesdun guztiak izena eman dezakete**, eta lehentasun hauen arabera ordenatuko dira jasotako eta onartutako eskaerak:

#### **1. lehentasun-maila:**

Lehentasun-maila honetan egongo dira **2014-15eko EPEko kategorian gainditu zutenak**, beti ere kontratazio-zerrendako kategoria horretan izena ematen badute eta oinarri orokorrak eta espezifikoak betetzen badituzte.

**OHARRA:** 2014-15eko EPE gainditu izanak ez dakar berez oposaketa horren ondoriozko kontratazio-zerrendetan automatikoki onartua izatea, zeren eta, horretarako, beharrezkoa baita aldi baterako kontratazio-zerrendetan izena ematea eta behar den dokumentazioa aurkeztea izen-emateko epearen barnean.

#### **2. lehentasun-maila:**

Lehentasun-maila honetan egongo dira **2014-15eko EPEa gainditu ez zutenak edo aurkeztu ez zirenak**; edonola ere, beharrezkoa izango da behin-behineko kontrataziorako zerrendetan izena ematea eta oinarri orokorrak eta espezifikoak betetzea eta izen-emateko epearen barnean aurkeztea dagokion dokumentazioa.

Dagokion informazioa [www.osakidetza.euskadi.eus](http://www.osakidetza.euskadi.eus) web gunearen bidez argitaratuko da.

## ESKAERAK AURKEZTEKO MODUA ETA EPEA

Eskaera webguneko aldi baterako kontratazio-programa erabilita egingo da ([www.osakidetza.euskadi.eus](http://www.osakidetza.euskadi.eus)); Profesionalak/Hautaketa eta horniketa/Aldi baterako kontratazioa/Kontratazio-zerrendak 2018/**Eskabidea**.

Kontratazio-zerrendetarako eskaera beteta, "**Kontsulta pertsonalizatuak**" atalera sartu beharko duzu, eta hortxe, eman "**Curriculum**" jartzen duen lekuan, jakiteko informaziorik atxiki edota agiririk aurkeztu behar ote duzun jarraibideen arabera.

2018ko kontratazio-zerrendetan **izena emateko epea 2018ko urriaren 5ean hasiko da eta urriaren 31ko arratsaldeko 14:00etan amaituko da.**

## ONARTUA IZATEKO DOKUMENTAZIOA, SALBUESPENAK ETA ENTREGATZEKO TOKIA

Zerrendak kudeatzeko eta bertan onartua izateko, **titulazio akademikoa, lan-esperientzia eta euskarari buruzko titulazioa** kontuan hartuko dira.

**Agiriak aurkeztu baino lehen**, egiaztatu ea salbuespen hauetakoren batean zauden.

- **Salbuespenak agiriak aurkezteari dagokionez:**

1.- **Ikasketa-tituluak:** Ez da aurkeztu beharko kategorialanpostu funtzionalerako behar den titulazioa, "Egoera"-n "Baliozkotuta" dagoela agertzen bada, curriculumeko Prestakuntza Titulazio Akademikoa atalean.

2.- **Lan-esperientzia:** Hurrengo kasuetan, ez da egindako zerbitzuen egiaztagiririk aurkeztu beharko:

- Osakidetzan egindako zerbitzuak, ofizios hartuko baitira aintzat.
- Beste Administrazio Publiko batzuetan egindako zerbitzuak, Curriculumeko "Lan-esperientzia" atalean kontratazio-zerrendetan aipatu nahi diren egindako zerbitzu-aldi guztiak agertzen badira.

Gainera, gogoratu beharrekoa da kontratazio-zerrendetan soilik hartuko dela aintzat **2014-15eko EPEn (2015/07/03)**, zegoen kategorian, **izena emateko azken egunera arte izandako lan-esperientzia**.

**Lotura:** Egindako zerbitzuen lotura Osakidetzaaren 2014-15eko EPEn egin bazenuen oinarri orokorren 13.1 atalean datozen kasuetakoren batengatik, ezingo duzu aldatu. Izan ere, kontuan hartuko da zerrenda hauetarako.

3.- **Euskara-titulazioa:** Ez da euskara-tituluaren fotokopiarik aurkeztu beharko, kontratazio-zerrendetan aipatu nahi den hizkuntz eskakizuna Curriculumean sartuta badago.

- **Aurreko salbuespenetan ageri ez bazara, agiri hauek aurkeztu beharko dituzu:**

Aurreko salbuespenetan ez bazaude, hurrengo hiru ataletan datozen **agiriak aurkeztu** beharko dituzu. Horretarako, **agiri-eredu bat izango duzu, Osakidetzaren webguneko oharren ataleko zerrendan argitaratuta egongo dena** ([www.osakidetza.euskadi.eus](http://www.osakidetza.euskadi.eus)), helbide honetan: Profesionala/Hautaketa eta horniketa/Aldi baterako kontratazioa/Kontratazio-zerrendak 2018.

**1.-** Kontratazio-zerrendari dagokion lanpostuan jarduteko behar den titulazioaren edo emateko eskubideak ordaindu izana egiaztatzen duen **frogagiri edo dokumentuaren fotokopia konpultsatua edo notarioren lekukotasuna**. Atzerrian lortutako tituluei dagokienez, dagokion Espainiako Ministerioak berauek homologatzen edo onartzen dituen erabakiarekin batera aurkeztu beharko dira.

Aintzat hartuko dira 2018ko kontratazio-zerrendetan izena emateko azken egunera arte lortutako eta egiaztatutako titulazioak (2018/10/31).

Aplikazio informatikoan, **“Kontsulta pertsonalizatuak”** ataletik, **“Curriculumak”** kontsultatu beharko da:

- **Sarbidea ematen duen titulazio akademikoa “BALIOZKOTUTA”** dagoela agertzen bada "Egoera" atalean, **ez da aurkeztu beharko**.

- Curriculumeko Prestakuntza-Titulazio akademikoko “Egoera” atalean **EZ BADA agertzen titulazio hori “BALIOZKOTUTA”** dagoela baina kontratazio-zerrendetan onartua izateko behar den titulazioa agertzen bada, **aurkeztu egin beharko da titulazio hori**, kontratazio-zerrendetan izena emateko epean.

- **Dagokion titulazioa agertzen EZ BADA** curriculumeko Prestakuntza-Titulazio akademikoa atalean, eskatzaileak **sartu beharko du** aipatutako atalean lanpostu funtzional horretan aritzeko behar den **titulazioa**, aplikazioak eskatzen dituen datu guztiak adierazita, eta izena emateko epean aurkeztu beharko du.

**2.- Lan-esperientzia aitortzen duen jatorrizko ziurtagiria edo horren kopia autentikoa**, notarioak egina, bertan xehe adieraziz: lan-denboraldi desberdinetan izandako kategoria, lotura juridikoa eta taldea, hasierako datatik (eguna, hilabetea eta urtea) amaierako datara arte (eguna, hilabetea eta urtea). Ziurtagiri horrek dagokion administrazio publikoko organo eskudunek emana behar du izan, eta horrelakoetarako ezarrita daukan ereduari jarraitu behar dio.

Aintzat hartuko dira 2014-15eko EPEn, zegokion kategorian, izena emateko azken egunera arte egindako zerbitzuak (2015/07/03).

**Lotura:** Osakidetzaren 2014-15eko EPEn egindako zerbitzuen lotura egin ez bazenuen eta oinarri orokorren 13.1 atalean datozen kasuetakoren batean bazaude, orainxe egin beharko duzu. Horretarako, **lotura-agiri** bat izango duzu, Osakidetzaren webguneko oharren ataleko kontratazio-zerrendan argitaratuta ([www.osakidetza.euskadi.eus](http://www.osakidetza.euskadi.eus)).

**3.-** Egiaztatutako **euskara-tituluaren fotokopia arrunta**. Aintzat hartuko dira 2018ko kontratazio-zerrendetan izena emateko azken egunera arte lortutako eta egiaztatutako euskarazko titulazioak (2018/10/31).

- **Dokumentazioa aurkezteko tokia:**

**Izena emateko eskabidea** aplikazio informatikoaren bidez igortzen da; beraz, **ez da aurkeztu behar**.

**Osakidetzako langilea bazara** eta erantsi beharreko **dokumentazioa** baduzu, horretarako salbuespenen barruan ez dagoenez, **lan egiten ari zaren Zerbitzu Erakundeko Pertsonaleko Zuzendaritzan** aurkeztu beharko duzu.

**Osakidetzan lan egiten ari ez direnen kasuan**, toki hauetako edozeinetan aurkeztu ahalko dute dokumentazioa edo bertara igorri:

**Araba:**

- Osakidetza – Hautaketa eta Horniketarako Zerbitzua –(Araba kalea, 45, Vitoria-Gasteiz)
- Arabako Errioxako ESla. (Logroño-Gasteiz errepidea, 59. km. Laguardia).

**Bizkaia:**

- Bilbao-Basurtu ESla (Montevideo etorb., 18, Bilbo)
- Ezkerraldea Enkarterri Gurutzeta ESla (Gurutzetako plaza z.g., Gurutzeta-Barakaldo)
- Barrualde-Galdakao ESla (Labeaga auzoa z.g., Galdakao)
- RSMB. Bermeoko Ospitala (Tonpoi Bidea z.g., Bermeo)

**Gipuzkoa:**

- Donostialdea ESla (Begiristain dk. pasealekua, z.g., Donostia- San Sebastián)
- Bidasoako ESla (Zubieta finka, Mendelu auzoa, z.g., Hondarribia)
- Debabarreneko ESla (Mendarozabal auz., z.g., Mendaro)
- Debagoieneko ESla (Nafarroa etorbidea, 16. Arrasate-Mondragón)
- Goierri-Urola Garaiko ESla (Argixao auz., z.g., Zumarraga)

**IZENA EMATEKO ESKABIDEA BETETZEKO JARRAIBIDEAK**

Eskabidea zuzen betetzeko, hurrengo pauso hauek eman behar dituzu:

**1.-** “Eskabidea” atalean egin behar da eskaera. Lehenengo, NAN/AIZ dokumentu-mota sartu behar da, zenbakia (ondoren, letra jarri, ez marrarik ez tarteko punturik jarri gabe), eta kategoria/lanpostu funtzionala. **Eskabide bat bete beharko duzu izena eman nahi duzun kategoria bakoitzeko.**

Eskabidea betetzeko, **pasahitza** eskatuko zaizu. Hau izango da pasahitza:

- Osakidetzan lan egiten baduzu edo lan egin baduzu, pasahitza Osakidetzan duzun pertsonaleko zenbakia izango da, zure jaiotze-datarekin batera. Adibidez, zure pertsonaleko zenbakia 00123456 bada eta 1955eko otsailaren 1ean jaio bazinen, pasahitza 0012345619550201 izango da. (Lehendabiziko 8 zenbakiak pertsonaleko zenbakiarenak izango dira, eta ondoren jaiotza-data: urtea/hilabetea/eguna). (Pertsonaleko zenbakia nominaren ordainagirian begira dezakezu edo Curriculumeko datu pertsonalak inprimatzerakoan).
- Osakidetzan oraindik lan egin ez baduzu eta 2014-15eko EPEn parte hartzeko eskabidea egin bazenu, oposizioan izena emateko erabilitako pasahitza erabili beharko duzu.
- Bestela, Osakidetzan zure Curriculum Vitae-ra sartzeko erabiltzen duzun pasahitza erabili beharko duzu.
- Aurreko ataletan ez bazaude, aplikaziora lehen aldiz sartzean adieraziko zaizun pasahitza erabili beharko duzu. Pasahitza gogoratu beharko duzu etorkizunean kontsultak egin eta eskabidea aldatu nahi baduzu.

**Pasahitza gogoratzen ez baduzu, bidali zure NANaren eskaneatutako kopia bat [lc2018@osakidetza.eus](mailto:lc2018@osakidetza.eus) helbidera eta bertan erantzuteko helbide elektronikoa bat adierazi.**

Pasahitzarekin lotutako zailtasunik izango bazenu, telefonoz jar zaitezke harremanetan 945006464 zenbakian, astelehenetik ostiralera 09:00etatik 17:00etara. Pasahitzekin lotutako kontsultak bakarrik erantzungo dira. Bestelako zalantzatarako, Osakidetzako webaren kontratazio-zerrenden atala kontsulta ezazu.

**2.- Eskabidearen lehenengo erlaitza bete beharko duzu (1. urratsa: datu pertsonalak).** Eskabidean ematen dituzun helbidea, telefonoak eta posta elektronikoa baliozkotzat joko dira jakinarazpenei begira.

**3.- Eskabidearen bigarren erlaitza bete beharko duzu (2. urratsa: eskaera-datuak),** jarraian esaten den moduan:

**3.1.- Egiatzatutako hizkuntz eskakizuna:** hauta ezazu egiatzatuta duzun hizkuntz eskakizuna, edo adierazi ez duzula.

**3.2.- Lanpostu hutsen zerrenda:** osasun-barruti bat, bi eta/edo hiru hautatu ahal dituzu (Araba, Bizkaia eta/edo Gipuzkoa), baina kontuan hartu, onartutakoen eta baztertutakoen zerrendak argitaratu ondoren, ezin izango duzula osasun-barrutirik gehitu, baina bai murriztu (eskatutako barrutiren bat ezeztatu), Erakunde Zentralera idazki bat igorrita kategoriako kontrataziorik eskaini aurretik.

**3.3.- Ordezkapenen zerrenda:** zerrenda horretan, zerbitzu-erakunde bat edo bi zerbitzu-erakunde hauta ditzakezu (Ospitaleak, Erakunde Sanitario Integratuak (ESIak), Osasun Mentala eta abar). Lantoki ezberdinak dituen zerbitzu-erakunde bat hautatuz gero (ESI, Osasun Mentala, Emergentziak, Transfusio eta Giza-Ehunen Euskal Zentroa, etab.), “Eskainitakoak” taulan egiatzatu ahal dituzu zentro horiek eta **azpisailkapen bat egin, bost zentrokekin gehienez;** horretarako, sakatu “Eskainitakoak” eta aktibatu eskuineko gezia, “Hautatutakoak”

atalera igaro daitezten. Azpisailkapenik egiten ez baduzu, ulertuko da zerbitzu-erakunde horretan eskainitako zentro guztiak hautatzen dituzula.

**OHAR GARRANTZITSUA: Zerbitzu Erakunderik ez baduzu aukeratzen, ez zaizu eskainiko Kategoria horrekiko kontraturik ORDEZKAPENEN ZERRENDATIK.**

Ordezkapenentarako zerrenda honetan, gainera, zein **lanaldi** eskaintzea nahi duzun adierazi behar da, eta, horretarako, hiru aukera daude:

- **edozein lanaldi-mota** (kasu honetan, bai lanaldi osoa bai murriztua eskainiko zaizkizu).
- **lanaldi osoa bakarrik** (kasu honetan, bakarrik eskainiko zaizkizu lanaldi osoko kontratuak).
- **murriztutako lanaldia bakarrik** (kasu honetan, bakarrik eskainiko zaizkizu lanaldi-murrizketak betetzeko kontratuak).

**3.4.** Zin edo promesa laukia markatu behar duzu, zure datuak erabiltzeko baimena emateko.

**3.5. Sakatu “Baieztatu”**, bestela zure eskabideak ez baitu ondoriorik izango. Baieztatu aurretik, egiazta ezazu zuzen bete ote dituzun datu pertsonalak eta eskabide-datuak, batez ere plaza hutsetarako eta ordezkapenentarako egindako hautaketetan.

**3.6.** Zure eskabidea inprimatu ahal duzu, **Egiaztagiria inprimatu** eta gero **Inprimatu** sakatuta.

Informazio gehigarria eskura dezakezu dokumentu honetan: “Izen-ematea elektronikoki egiteko Jarraibideak”.

### **ESKABIDEA KONTSULTATZEA, ALDATZEA ETA EZEZTATZEA**

Eskabidea beteta, kontsultatu ahal duzu zure eskaera zuzen egin den eta behar diren datuak dituen; horretarako, sakatu **“Kontsulta pertsonalizatuak”**, sartu zure NAN/AIZ eta pasahitza, eta sakatu **Eskabidea: Kontsulta**.

Kontratazio-zerrendetan izena emateko epearen barruan, eskabidean jarritako edozer aldatu ahal duzu; horretarako, sakatu “Kontsulta pertsonalizatuak”, sartu zure NAN/AIZ eta pasahitza, eta sakatu **Eskabidea: Aldatzea**.

Horretaz gainera, epe horretan, zure eskaera ezeztatu ahal duzu; horretarako, sakatu “Kontsulta pertsonalizatuak”, eta **Eskabidea: ezeztatzea** atalean egin ahalko duzu. Eskabidea ezeztatzen baduzu ez da kontuan hartuko lehenago izena eman duzula kontratazio zerrendetan, ez baita kontuan hartuko ezeztatutako eskabidea; baina epe barruan eskabide berri bat egingo bazenu, izena eman duzula kontuan hartuko da.

### **WEB-ORRIKO ARGITALPENAK**

Egin ondoren, jarraibide hauen hasieran aipatutako web-orrian argitaratuko dira kontratazio-zerrendak, eta baita berauei aurka egiteko erregimena ere.

Web-orri honetan jakinaraziko dira hainbat pertsona interesaturi eragin diezaieketen kontratazio-zerrendei lotutako alderdi guztiak. Web-orri honetako “Zerrendak” atalean jarriko da zein pertsonak eta zein ordenatan osatzen dituzten kontratazio-zerrendak.

#### **ETENGABE IREKITA DAUDEN KATEGORIAK**

Izena emateko 1. eta 2. lehentasun-mailetako epea amaituta, informazio berria emango da epea noiz zabalduko den esanez **etengabe irekita dauden kategorietarako** (Fakultatibo Medikoak, Erizaintza, Osasun Mentaleko Erizaintza, Lan Osasuneko Erizaintza eta Emaginak), aldi baterako kontratazio-zerrendak arautzen dituzten araei jarraiturik.

#### **ARAUDI APLIKAGARRIA**

Aldi baterako kontratazio-zerrendei aplikatu beharreko araudia, batetik, 2011ko maiatzaren 9ko Erabakia da (2011ko ekainaren 6ko EHAA), Osakidetza Ente Publikoko Administrazio Kontseiluarena, Osakidetzako aldi baterako kontratazio-zerrendak egin eta kudeatzeko; eta, bestetik, aplikazio orokorreko gainerako arauak.

Vitoria-Gasteizen, 2018ko urriaren 5a.